

Medenblicum.

ctum: jam an. c. 1000. extitisse ex annalibus constat. *Medenblicum*, Iunio inter municipia maritima commemoratum, nunc oppidulum satis munitum, quodque arcem habet pervetustam. Firmissimi hic omnium sunt aggeres, qui suo oppositu maris Septentrionalis furias intrepide excipiunt, quos alga (maris ejectamentum est) prætexunt: materia ubi confederit, tam firma & solida, ut moles saxæ vix densius firmamentum coagmentumve præbere possint; tantopere illa sævientis fluctus proterviam respuit. Ager vicinus per fossas inciles in prata herbida, bubus opimandis peroportuna, divisus est. *Purmurenda*, municipium quondam cum arce non ineleganti, nunc oppidi in modum vallo cinctum & latis fossis. Plurimum illi splendoris & opum accessit, postquam superioribus annis *Beemstria* lacus, magno studio & molimine exsiccatus, agrorum, pacuorumque officium præstare cœpit.

Purmurenda.

Pagi insignes.
Scaga.

Sunt & hic loca celebriora, *Scaga*, *Egmonda*, *Pettemum*. *Scaga* sita est in extrema Septentrionalis Hollandiæ parte, & *Alcmaria* simul ac *Medenblica* pari trium leucarum intervallo abjuncta: municipium elegans & copiosum, oppidi instar contiguus ædificiis habitatum. Solum habet tota Hollandia fertilissimum, herbidissimumque, arcem non inelegantem, quam toparcha loci possidet. *Egmonda* Oceano mari ad Occasum propinqua est, & *Alcmaria* quidem sesquileuca, *Bevervico* duabus leucis abjuncta: pulcher profecto & concinnus admodum pagus, juxta quem & cœnobium olim, longe hercle amplissimum, quod, teste *Irenico*, conditum fuit ab *Adelberto*. Habuit vero & locus iste arcem satis insignem, ita ut Comitatus dignitate præfulgeat: fumente ab eo cognomen Illustrissima & antiqua gente *Egmondana*.

Egmonda.

Pettemum.

Pettemum, pagus est ad ipsum Oceani littus, ubi cum rerum parens natura non continuaverit arenosos illos montes & colles, quos vulgo *Duy-nen* vocant incolæ, ne admisso Oceano interiora absorberentur, molem immanem extruxere ardui montis caput superantem, quam à canino & *Scylleam* rabiem imitante latratu vocaverunt *Honsbosch*, quasi silvam caninam. Pali sunt valide confibulati, & fistucis alte depacti, quorum spatia intermedia grandibus saxis marmoribusque acervantur, stipanturque: hæc moles ad aliquot centenos passus secundum mare porrigitur, definitque apud *Pettemum*. Anniversariæ fabricarum atque opificum operæ assidue illam communiunt, delectis viris ex optimatum numero pro magistratu illic agentibus. Hi operas inspiciunt, imperantque, ut trabes convehantur, saxa comportentur: ubi quid vacillans est

& infirmum, muniatur ac corroboretur. Est autem tam magni momenti hoc opus, tamque efficacis præsidii, ut si casu fortasse, vel Oceani aliqua in temperie id perfringi contingat, potiorrem Hollandiæ partem undarum violentia cooperiendam adfirmet. Verum aliquot retro annis, ob ingentes qui in hanc molem sarcientiam quotannis impendebantur sumtus, permissa ea fuit maris ac procellarum arbitrio, ut jam pendentes ex alto trabes, & hiatus ingentes passim appareant, & vestigia prisca operis. Obiecto autem mari ingenti agrorum spatio, ne arctius pressum perumperet obstantia, aggeres terrestres in summam altitudinem unus & alter aggesti sunt, qui ob incolarum hodie securitatem, *Slapers* vocantur. Ipse pagus *Pettemum* maris ludibrium est, cujus aliquot adhuc ædes reliquæ obortis per hyemem tempestatibus absorbentur. Novum vero pagum cis aggeres extruere incipiunt pagani, sedibus non longe translatis.

Ad Borealem Hollandiam pertinent aliquot insulæ, quarum maxima est *Texela*, partim arenariis tumulis, partim aggeribus adversus Oceani furorem munita; magna parte compascua est, & ingentes ovium greges nutrit. Municipium habet haud vulgare, & aliquot pagos. Superioribus annis hic munimentum ab Illustr. Ordinibus decretum, in quo jugiter præfidiarii excubant. Secunda *Flielandia*, *Flevi* nomen servans, oblonga & angusta, & duobus tantum vicis ad utrumque cornu habitata. Tertia *Schellinga*, superiore paulo longior, & duplo pene latior, ac quinque pagis habitata. *West-eynde*, *Middelland*, *Formare*, *Hoorn*, & *Ooster-eynd*: quorum duo, *Middelland* & *Hoorn*, templa habent.

Insula ad Septentrionalem Hollandiam pertinetes.
Texela.

Flielandia.

Schellinga.

Atque hæc quidem tres insulæ patenti Oceano versus Septentrionem objectæ sunt, & fretum maris interni veluti obcludunt, duosque celebratissimos portus efficiunt *Texelensem*, & *Flielandicum*, quorum ille oportunus in Angliam, Galliamque abituris, hic in Germaniam, Daniam, &c.

In interiori sinu jacet *Wieringa*, ab alga marina, quam nostrates *Wier* vocant, ita dicta, fertili admodum solo & culto, ubi & plurimæ oves aluntur. Tum *Vrck* & *Ens*, in interiori freto sitæ, ambitu exiguo, & indigenis cultæ, moris antiqui & peregrini; qui facile ab aliis morum inurbanitate discernuntur, præsertim *Ensii*, licet *Transsalanæ* continenti propiores sint, & quotidie ad *Campansem* urbem commeent. Idioma illorum barbarum quiddam sonat, licet sermo sit *Belgicus*, at *Frisio* propior. *Ens* duobus vicis incolitur, *Ens* & *Emeloort*. Incolæ piscatu fere quæstum faciunt.

Wieringa.

Vrck.
Ens.

